

麗水縣志

卷一

麗水縣志

麗水縣志

麗水縣志

續修麗水縣志序

志乘之書何昉乎尚書禹貢記山川貢賦之
經周禮職方詳人民樹畜之事尚矣漢書地
理志源本禹貢職方而於分野戶口古蹟風
俗特備作志權輿實昉於此厥後郡志統志
彙例各殊而其所以辨疆域程方土稽俗尚慎

麗水縣志

卷一

序

封守與天人物有書藝文有志官初懲之意
俗參攷之資者胥以邑志為佐史關係不綦
重歟民國成立浙省有續修通志之舉各
縣多聞風興起亦有續修邑志之議良以
國體改革典章法制因時勢而變更非急為
纂修必至文獻無徵考徵不任此固地方者宿

與官斯土者之責也歲壬戌鍾嶽奉檄宰麗披閱邑志修自同治甲戌迄今已五十餘年欲與邑人士謀所以重修之將躬議會成立亦有修志之議決案奉委成癸亥連遭水災民力凋敝艱於籌款甲子夏始與邑人士重提前議凡德慕協籌採訪籌款諸職務皆由縣議會推舉諸耆紳各任其

勞設局於縣署鍾嶽公館之暇亦從而討論期以年竣事嗣以改鑲板為鉛印採辦需時成書稍緩以本志經過之情形也夫志義取乎因而此則事近乎親蓋國體既變改革甚多如文武官制之更易自治區域之劃分城鄉學校之設立捐稅名目之增多皆前此所未有故門類悉仍舊例

以省份更名稱不為改增以免闕漏况麗為枯州首
邑府制既除府志自應續修之必要凡事函藉處
屬而地址在麗水者不得不採入邑志以存掌故故曰義
取乎因而事實近身親也今日者政治日新社會文化
亦日益進步麗雖僻在萬山而民風優美風統文明
教育實業必隨潮流而俱進此志之成由今視昔固

陸壘一新而由法視今又豈非大軫之推輪哉屬稿
既竣鐘嶽通奉微調任孝豐行將卸篆爰述其
崖畧而為之序

中華民國十五年丙寅二月

四等嘉禾李麗水縣知事桐城李鍾嶽謹撰

續修麗水縣志序

邑之有志猶國之有史顧史則昭千秋之宏鉞而志則樹一邑之風聲體例較別然其明三綱張四維記山川疆域之程述風土民情之美與夫禮祀必載學校宜詳選舉有志官秩必書考獻徵文用資掌故體例雖別大旨則同俾宰是

邑者披覽是編開卷瞭如指掌以是為敷政宜民之準志乘之所闡顧不重哉歲丙寅春都奉檄由孝堂調篆麗水下車之後採風問俗知麗本瘠區交通不便加以頻遭水旱民生日艱教養之責在所宜先然民風質厚俗尚儉樸較之繁盛之區易以為治因訪詢邑中耆宿士紳

亟求邑志以資政揆邑紳以新修告首經脫稿
行將付印因授余志稿披閱一過知邑志自同
治十三年重修後迄今五十餘年自清季入民
國其間國體改革法制變更裁府缺改縣制汰
佐貳職官設警察分防司法獨立改設分庭以
至春秋祭祀之易制選舉議會之改革綜此諸

端今昔異制不有記載何由考證今閱是編綱
舉目張釐訂審慎可以為一邑之信史矣郝君
忝宰此邦是書之成適逢其盛俾得掛名簡端
不可謂非厚幸也已

中華民國十五年歲次丙寅仲春月

署理麗水縣知事豐潤李郁景謹撰

續修麗水縣志序

邑乘之書向推朝邑武功二志為善本誠以事取其實義主乎嚴所以信今傳後用備一邑之掌故也顧或繁稱博引無關體要則失之蕪或牽率附會侈為詳贍則失之誕二者交譏何以為信史乎我麗水縣志

修自清同治甲戌迄今閱五十餘年矣其間劫換滄桑國體改革典章法制隨時代為變遷文化學風因潮流而異趣以今較昔大相懸殊欲擬續修則採訪宜詳棄取必慎庶免失蕪失誕之病壽芝老矣無能久荒學殖謬承縣議會舉為總編纂地方

義務責無可辭祇得勉力從事遵依舊志
以繼續增修為宗旨不敢過事紛更致有
背前邑侯張彭兩公之遺意並賴同事諸
君協力襄助先分門編輯俾余得總其成
其有疑義待商者復與岱雲知事詳加審
定屬稿既竣爰述其緣起於此惟茲事體

大蒐討綦難疏畧闕漏之愆仍恐不免尚
冀大雅宏達匡我未逮庶使鄉邦掌故益
臻美備此則私心所仰企者爾

中華民國十五年丙寅仲春

總編輯邑人孫壽芝謹識

舊志原序

郡邑之有志所以紀風土考制度也顧直省有通志矣而郡復各有志郡既有志矣而縣復各有志良以轄境既廣勢不能於偏隅之地覩縷無遺以故郡志視省志加詳而縣志又視郡志加詳俾考古者循流溯源而益觀其備則縣志不容或缺也麗水爲括郡首邑向無縣志僅散見於郡志中余校士括州嘗取郡志覽之見夫括蒼舊俗志雖舉其大概而歲久失脩已百餘年因革制度考鏡無由今邑侯蒙化張鏡蓉同年徵文考獻創輯縣志視郡志所載蓋加詳備書成乞余一言弁其首余謂作志之難猶之作史子目冗碎體例不精其病也瑣發潛闕幽闕漏不備其病也疎采訪

麗水縣志

卷一

序

麗水縣志原序

人物傳聞不實其病也舛輯錄詩文抉擇不精其病也燕前人有志而後人脩之尙不免踵謬襲譌况創爲新志乎是書凡例標舉諸病斤斤審慎詳簡得宜甄綜有法誠使處郡十邑踵而效之各脩其志然後彙而萃之纂輯郡志則君勱始之功不愈偉哉抑又聞之麗水俗尙儉樸人重本業守禮奉公昔稱易治茲際隆盛之世休養生息涵濡聖澤至深且久則醇儒蔚起必有可垂諸志乘者君網羅舊聞於孝弟廉節之大必備書之以資勸勉則又良有司振勵風化之深心而邑之人當俛焉孜孜以求至於風醇俗厚之休也余故樂爲之序道光二十六年四月浙江學政吳鍾駿書往時閱明一統各而恠其疎舛之甚也既而思之編纂者多於本

郡邑志乘而志乘之作不必盡出自通才如劉子元所云真偽不別是非相亂競美所居談過其實者蓋多有之持擇不精則遂以彼冊之瑕爲我書之玷矣昭代列聖相承館撰諸書悉稟承宸斷故皆矜慎不苟而大清一統志自純皇帝勅撰成書以後特詔重修睿皇帝及我皇上咸委任詞臣隨時修葺未始迫以歲月蓋欲實事求是矯私家誌乘之誣也張鏡蓉明府纂麗水志山川物產率得之目驗不爲恢張卓詭之談人物見於史傳者則具錄全文采自輿論者必考其實行其他利弊所在則因革必詳詞翰雖繁非殊尤不錄而稗官小說新奇之詞不與焉使以此供館閣取材則裒集者當用力少而收功倍何至有疎舛之虞哉顧余於鏡蓉

麗水縣志

卷一

序

二

麗水啓明印刷所代印

則尤有進焉李宏憲職居台榭而自序元和郡縣志以爲成當今之務樹將來之勢者莫此爲切蓋欲覽者考鏡得失見諸施行也今以鏡蓉書核之通濟渠爲水利所關近歲未之或治也書院爲人才所自出往昔奚爲中隳也語曰君子信而後勞其民鏡蓉力政勤民民信之矣庶幾經營倡率次第修舉乎余將泚筆而書其事焉道光二十六年二月溫處兵備道慶廉撰

志乘之作使覽者不出戶庭而悉其土地之利病舉凡司牧之官與道藝之士考鏡得失咸有取焉明世以來偏隅下邑咸編香成書而麗水爲括州望縣乃獨無之蓋地當甌閩咽喉政繁事劇備官者率無暇以爲而記載流傳燬於寇兵蕩於鴻水方聞之士雖

有志撰述每苦蒐訪之難也滇南張鏡蓉明府有良吏才事無纖
巨迎刃而解蒞治幾年民以大和乃奮然創爲之明府之言曰志
之美者二端曰博瞻曰簡嚴范至能之吳郡潛君高之臨安宏整
富麗斯爲美矣然必有故實以供鋪陳有文獻以資考證聚材集
益用成偉製若是者吾不能也康德涵之武功韓汝度之朝邑蘇
林誇詡推爲絕手然謂宏綱細目盡括於數篇之中豈其然哉若
是者吾不爲也吾稽之簡冊核之碑碣詢之故老而旁搜於吏牘
是者筆之非者削之疑者闕之如是焉而已余聞之歎其持論之
平稿且削余謬膺卓薦將入覲取而讀之每盡一篇未嘗不稱善
輒爲品藻之曰慎而不漏該而不侈其紀事也質而不俚典而不
麗水縣志

卷一

序

三

麗水啓明府所代印

雜其修詞也其諸古之所謂彬彬者歟書以爲序識者必避余言
焉道光二十六年二月處州府知府恆奎撰

昔人輿地之書如元和郡縣志之屬準道里之遠近審形勢之要
害詳貢賦之等差取與史志相參而已至樂氏太平寰宇記廣而
及於人物自是郡邑志乘咸列爲標目遂與史傳相表裏矣張明
府鏡蓉纂麗水縣志成於人物一門特爲矜慎而議者謂其兼記
善惡錄及瑣事殆不無遺憾焉余取而讀之而知議者之言不足
以相難也何也史傳垂千秋之衰鉞志乘爲閭里之光榮厥旨稍
殊其爲直筆同歸也果其人爲桑梓之玷削而去之耳若瑕瑜不
掩從其實而書之卽一人之身而懲勸昭焉是良史之意而直道

之行也如周益公碑梁汝嘉言其阻和議薦韓岳而宋史謂其黨於秦繆醜片語之岐品殊蘭棘雖益公通才名德斷非謾墓然必執碑文以議史傳是爲阿矣兩列以志存疑不知蓋闕君子之心也瑣事者亦問其事爲何等事耳如此事足爲矜式錄而傳之使聞風興起蒸成善俗固良有司責也且司馬氏傳游俠范蔚宗獨行夫非一節之美哉若僅侈科目之浮榮略躬脩之實行有宋梁克家氏三山志不嘗見屏於儒林乎故曰議者之言不足以相難也余自少歲試吏浙中游更守長迄今三十餘年每念浙爲先世節鉞舊邦謳歌未泯所至必訪求志乘考鏡得失以無貽前人羞麗爲倚郡望縣而記載闕如方爲搢腕明府乃能徵文考獻勒

麗水縣志

卷一

序

四

麗水縣明印副所代印

爲成典昭示來茲非余之深幸哉是書體例之善學使吳公已備言之余特因人言而折衷之且以志私心竊慰者如此道光二十六年署處州府知府方秉譔

邑之有志何昉乎昔劉向略言郡國地域張禹使朱贛條其風俗班固因之爲地理志其於人物表特附列八志外至括地志始兼收人物厥後郡縣各自爲志往往以人物爲重昉分門類任意標題殊乖體制同治庚午秋余奉命典守括州下車後採風問俗得閱麗水舊志知爲道光丙午縣令張君鏡蓉所編葺也隸事謹嚴纂言扼要體例頗爲精核允推善本咸豐戊午辛酉迭遭粵匪竄陷版燬無存民間藏本亦鮮余深惜之卽議令重修付梓因歲未

大稔事暫寢越二年比慶有秋適彭明府澤之來宰是邑余竊喜
曰鉅典之修明蓋有待乎其人乘乎其時也及今不爲釐定將歲
月愈深見聞滋譌老成代謝典籍淪亡不唯無以備掌故且使前
人之傑作盡委諸蕪沒不傳能不負大慰乎彭明府奮然而起曰
是有司之責也遂集紳張局遠紹旁搜凡兵燹後戶口賦役公署
祀祠書院嬰堂橋梁水利之更新修復者必詳敘因革顛末縷晰
條分其當時與難亮節孤忠咸訪事蹟而臚列焉無從采錄者則
類次其名至丙午以前不涉變更者一仍張志之舊所謂前事不
忘後事之師可按籍而稽也閱十月而稿成明府請余鑒定並爲
文弁其首余披覽一通歎其洪纖畢具綱紀粲陳要而能章備而

麗水縣志

卷一

序

五

麗水縣志印刷所代印

無冗彼潛說友臨安志羅端良新安志不得專美於前矣其足供
太史氏輜軒采擇不誠信而有徵哉抑余更有進者彭明府懷敦
樸之材具剛方之枕勇於任事廉以飭躬令且爲民導植桑菽事
興課士學田行見教養聿隆民氣文風蒸蒸日上其所以慰余厚
望者又曷有窮期耶同治十三年歲次甲戌嘉平月欽加三品銜
知處州府事加三級紀錄三次元和潘紹詒撰

予自束髮就傅閱家中舊書得鄉先輩曹公掄彬所撰處州府志
時猶不知處爲何區也然心竊慕之以爲士君子不得登著作之
庭鋪張鴻藻倘得出守方隅編輯志乘備一邦文獻亦史家之遺
也逮戊辰通籍捧檄來浙權慶元篆始至處州而處之人頌曹公

之德不衰然後知其政澤及人不徒在語言文詞間也十一年補麗水令甫下車又得鄉先輩張公銑所纂麗水縣志亟披讀之見其體例謹嚴文字雅潔有良史材然自戊午辛酉兩經兵燹版遭燬書之存者亦寥寥矣越二年歲稔民和集都人士議重修都人士欣欣樂從遂鳩工設局將從事焉而或者曰子欲脩志續脩乎抑增脩乎予曰然古有著國史補者矣有續後漢書者矣原其意旨各有所歸若邑志則輿圖猶是疆域猶是山川物土亦猶是續而修之其將以何爲發端故續修不如增修宜或者又曰續修之說曠已喻矣若增修得毋蹈襲而攘美乎予曰不然馬遷作史記齊楚韓魏世家鈔國策矣孟堅作漢書蕭曹韓彭列傳鈔史記矣

麗水縣志

卷一

序

六

麗水縣明印副所八印

後世不以爲譏競稱其得孔子述而不作之旨予之增修亦此志也或者默然退迺取舊志之訛者正之漏者補之當削者削之宜增者增之刻既竣述顛末於左不敢避蹈襲之嫌亦不致貽攘美之誚期無忝於鄉先輩曹張二公是則予之私衷竊慰者已同治十三年歲次甲戌仲冬月賜進士出身同知銜知麗水縣事加三級紀錄六次黃平彭潤章自叙

麗水縣志舊凡例

麗水縣知縣黃平彭潤章重修

麗水向無縣志道光丙午張鏡蓉先生創爲是書詳簡得宜甄綜有法素稱善本今因其舊益以新獲續貂之誚在所不辭惟兵戎災祥舊列雜記今爲特立專門以昭體例志乘之體首貴簡要然事關掌故者不宜過爲剪薙明代朝邑武功二志數百年來推爲傑作然以矯冗漫則可謂盡得要領或未也今酌施豐約不敢以疎略爲高簡使徵文考獻者有不備之憾

子目繁碎爲志家大忌邇日偏隅小志多有徵事寥寥而虛張

麗水縣志

卷一

凡例

七

麗水啓明印刷所代印

篇目詭冒詳贍者是自欺以欺人也今於門類可省者概從合并

星野之說言人人殊究以何者爲定縱使言成準的而一星所占其度甚廣安在私照百里乎此在全省通志自可列爲專門而州邑私書決當削其標目

班書地理志首載禹貢劉子元譏其失於限斷麗水得名始於唐代旋析而爲縉雲青田復析而爲雲和宣平今一以見在疆域爲斷其已析爲他縣者概不闌入有備著沿革於表內以識數典不忌之意

名山勝境經題品而益彰麗爲浙東僻縣逸客高人罕聞戾止

而宦轍所經不免勞形簿帙探幽陟險在所未遑故有勝水佳山而嘉名未錫者亦不敢妄爲標目自我作故

近代志家於學校一門載及頒發之書籍祭樂之器物此乃率土所共安見爲一邑所獨乎且充其類則樂舞之篇章拜跪之儀節亦當逐一臚陳豈勝米鹽乎明李之藻類宮禮樂會疏固別自成書矣稽實齋章氏雖號通才乃從而爲之詞波流弟靡殆絕知者之聽

職官一門文職斷自知縣以下武職斷自守備以下不及統轄大僚縣志之體也其有功績顯著如濬渠興學之類仍依類直書但不入表不裁傳以明限斷耳

麗水縣志

卷一

凡例

八

麗水啓明印刷所代印

舊志人物但分時代不立標目猶羅端良新安志潛說友臨安志之體也雍正處州府志好事紛更標名世爲專門已屬杜撰甚且勳烈經濟安生區別篤行隱德隱德之外復有隱逸亦判畛畦割裂糾紛殊乖大雅蓋效施武子會稽志而其失彌甚者也

武子既有傳復有經學文章宰輔侍從等名豈經學諸公不得爲人物乎今悉從舊志而殉難

諸人其行事不概見者附列其名焉

人物無論事蹟鴻纖均宜徵實乃有史傳彪炳而括蒼彙紀及雍正府志所載寥寥數語僅以空言致美者非體甚矣今史傳具錄全文不遺一字至墓誌神道碑等則恐涉阿私慎爲擇取其他空言致美者亦過而存之恐係當筆者之疎略未